

13.maj 2015

Inatsisartut Ombudsmandiata 2013-mut ukiumoortumik nalunaarutaata Inatsisartunit tusaatissatut tiguneqarnissaanik Inatsisartut aalajangiiffigissaattut siunnersuut.
(Inatsisinut ataatsimiititaliaq)

Inatsisartut Ombudsmandiata 2013-mut ukiumoortumik nalunaarutaa Siumumit imaattumik oqaaseqarfigissavarput.

siumumiit isumaqarpugut Ombudsmandi inuiaqatigiinni inuit tamat oqartussaaqataaneranni pingaaruteqarluinnartumik suliaasaqartoq, tassami Ombudsmandi Namminersorlutik Oqartusanut, Kommuninut pisortanullu nakkutiginnittuuvoq, inuiaqatigiillu pisinnaatitaaffiinik illersuisuulluni.

Inatsisartut Ombudsmandiat ukiut tamaasa Inatsisartunut nalunaarusiortarpoq, tassa ukiumi qaangiuttumi Ombudsmandip suliarisimasani nalunaarusiaralugit.

Qinersinissamik nalunaaruteqartoqarneranik pissuteqarluni 2014-imi ukiakkut ataatsimiinneq ingerlanneqanngilaq. Taamaattumillu Ombudsmandip 2013-imut nalunaarutaa ukioq manna upernaakkut ataatsimiinermi suliarineqassaaq.

Ombudsmandi 2013-mut ukiumoortumik nalunaarusiaani maannamut pisarnertut suliat arlallit malittarisassatut tunngavimmi namminermi imaluunniit allaffissuutigineranni kukkunernik amigaa'inillu nalunaarutigineqarsimasut ilanngunneqarsimapput.

Taamaalilluni innuttaasut piginnaatitaaffitsigut isumannaatsuutinnissaat pisortatullu oqartussat suliasaminnik suliarinnittarnissaat nukittorsartuarneqaqqullugu anguniagaqarnitsinni ukiumoortumik nalunaarusiaq sakkutut ikiuutitullu atorneqarsinnaavoq.

Siumumiit taamatut oqaaseqarluta nalunaarut tusaatissatut tiguarput, suliffeqarfiullu ukiunik 20-vinnguinerani suleqatigiit pilluaqqullugit sulilluaqqinnissaannik kissaallugit.

Nikolaj Jeremiassen
Siumut